

KUSHTET E PËRGJITHSHME TE SIGURIMIT TE PARAVE NE KASAFORTE (CIS)

NENI 1 **DISPOZITA TË PËRGJITHSHME**

1.1 Kushtet e Përgjithshme të kontratës për Sigurimin e Parave në Kasafortë (CIS), këtu më poshtë do të quhen shkurtimisht "Kushtet e Sigurimit".

1.2 Kompania/te e Sigurimit, këtu më poshtë do të quhet/n "Siguruesi/t".

1.3 Personi fizik ose juridik, interesi pasuror i të cilit do të mbulohet sipas këtyre Kushteve të Sigurimit, këtu më poshtë do të quhet shkurtimisht "I Siguruari".

1.4 Kontrata për Sigurimin e Parave në Kasafortë (CIS), e lidhur midis Siguruesit dhe të Siguarit, këtu më poshtë do të quhet shkurtimisht "Polica e Sigurimit".

NENI 2 **PASURIA E SIGURUAR**

2.1 Kartmonedha në formën e valutave të ndryshme, deri në kufirin e përmendur në Policën e Sigurimit. Pasuria e siguruar mund të jetë në pronësi të të Siguarit ose e mbajtur nga i Siguruari në çdo formë që e bën të Siguarin përgjegjës për humbjen e saj.

NENI 3 **RREZIKU I SIGURUAR**

3.1 Siguruesi dëmshpërblen të Siguarin për humbjen ose dëmtimin e pasurisë së siguruar si rrjedhojë e vjedhjes përmes hyrjes dhe/ose daljes me dhunë dhe/ose forcërisht nga njësia e siguruar. Pasuria mbulohet në sigurim ndërsa ndodhet në kasafortë dhe/ose sportel/arkë, si dhe në ATM-të off-site.

NENI 4 **PËRJASHTIME**

4.1 Sigurimi CIS nuk mbulon humbjet ose dëmet që shkaktohen prej:

4.1.1 zhdukjeve misterioze;

4.1.2. mashtrimit dhe jobesueshmërisë së punonjësve;

4.2 Ky sigurim nuk mbulon humbje ose dëmtim të drejtpërdrejtë ose të tërthortë të shkaktuar nga, ose që ndodh përmes ose si pasojë e luftës, pushtimit, aktet e armiqve të huaj, armiqësitë ose operacionet e luftës të ngjashme (edhe nëse lufta deklarohet apo jo), luftës civile, rebelimit, trazirat civile, duke marrë përmasat e apo duke arritur deri në një revoltë popullore, ushtarake apo uzurpimi pushteti, konfiskimi ose shtetëzimi apo rekuizimi apo shkatërrimi ose dëmtimi i pronës nga ose me urdhër të cilësdo qeveri apo autoritet publik ose lokal, ose ndonjë akti i ndonjë personi ose personat që veprojnë në emër të, ose në lidhje me ndonjë organizatë, qellimi i se ciles është të përfshihet në përmbysjen apo ndikimin e qeverise de jure ose de facto nepermjet terrorizmit, ose me çdo mjet tjetër të dhunshëm.

4.3 Ky sigurim nuk do të mbulojë dëmtimin/humbjen, përgjegjesinë apo shpenzimet e shkaktuara drejtpërdrejt ose indirekt nga ose që rrjedhin prej :

4.3.1 rrezatimit jonizues ose ndotjes radioaktive nga lende berthamore ose rezerve berthamore ose nga shperthimi i lendeve berthamore;

4.3.2 lendeve radioaktive, helmuese, shperthyese ose lende te tjera te rrezikshme apo ndotese te instalimeve berthamore, reaktoreve berthamore apo njesive te tjera berthamore ose elementeve berthamore;

4.3.3 cdo arme lufte që shfrytëzon zberthimin dhe/ose bashkimin berthamor apo te ngjashme me to.

NENI 5 **TARIFA E PRIMIT TË SIGURIMIT**

5.1 Tarifa do të caktohet në bazë të shumës së sigurimit, masave mbrojtëse dhe kushteve të transportit.

Tarifa do të caktohet veçanërisht për çdo Policë Sigurimi.

ENI 6

PRIMI I SIGURIMIT

- 6.1** Primi i sigurimit llogaritet duke shumëzuar tarifën e primit të sigurimit me shumën e siguruar.
- 6.2** Primi i sigurimit mund të paguhet tërësisht ose me këste, sipas këtyre rregullave:
- 6.2.1** kur periudha e sigurimit është nën 1 vit, si rregull, primi i sigurimit do të paguhet njëherësh;
- 6.2.2** kur periudha e sigurimit është 1 vit, si rregull, primi i sigurimit do të paguhet me dy këste.
- 6.3** Në rastin e pagesës së primit të sigurimit me dy këste, data e pagesës së kështit të dytë do të caktohet jo më vonë se katër muaj nga data e pagesës së kështit të parë, sipas përcaktimit në Policën e Sigurimit.
- 6.4** Pagesa e primit ose kësteve të tij, bëhet pranë degës ose agjencisë së Siguruesit ku është lëshuar Polica e Sigurimit. Pagesa do të quhet e kryer në momentin e kalimit të shumës së caktuar në llogarinë bankare të Siguruesit.
- 6.5** Primi i sigurimit paguhet në monedhën e përcaktuar në Policën e Sigurimit.

ENI 7

PJESA E ZBRITSHME

- 7.1** Në rastet e ndodhjes së ngjarjes së sigurimit, do të zbatohet pjesë e zbritshme.
- 7.2** Pjesa e zbritshme do të përcaktohet në Policën e Sigurimit, por nuk mund të kalojë 25 për qind të shumës së siguruar.
- 7.3** Siguruesi nuk përgjigjet për pjesën e zbritshme të përcaktuar në Policën e Sigurimit që do të përballohet nga i Siguruari për çdo ngjarje.

ENI 8

POLICA E SIGURIMIT

- 8.1** Polica e Sigurimit lidhet në bazë të kërkesës me shkrim të të Siguarit. Siguruesi lëshon Policën e Sigurimit dhe përcakton primin e sigurimit në bazë të njoftimeve dhe deklarimeve të bëra nga i Siguruari. Kërkesat dhe njoftimet e deklarimet e tjera të të Siguarit i bashkëngjiten Policës së Sigurimit.
- 8.2** I Siguruari, me nënshkrimin e Policës së Sigurimit, është përgjegjës lidhur me saktësinë dhe vërtetësinë e njoftimeve e deklarimeve të bëra prej tij.
- 8.3** Siguruesi ka të drejtë të verifikojë vërtetësinë e njoftimeve e deklarimeve të të Siguarit e të kryejë inspektime për saktësim të dhënash.
- 8.4** Polica e Sigurimit mund të përfundojë në çdo kohë nga i Siguruari duke i drejtuar kërkesë me shkrim Siguruesit. Në këtë rast Siguruesi ka të drejtë të mbajë ose marrë pjesën e primit në përpjestim me kohëzgjatjen e Policës së Sigurimit.
- 8.5** Polica e Sigurimit mund të zgjidhet nga Siguruesi duke lajmëruar 30 ditë më parë me shkrim të Siguarin. Në këtë rast, Siguruesi do të mbajë ose marrë pjesën e primit në përpjestim me dëmshpërblimin e paguar dhe kohëzgjatjen e Policës së Sigurimit.
- 8.6** Polica e Sigurimit mbetet në fuqi për një afat 15 ditor dhe pas ditës së fillimit të detyrimit për pagimin e kështit të dytë të primit të sigurimit.
- 8.7** Mospagimi i kështit të dytë të primit të sigurimit sjell pasojat e mëposhtme:
- 8.7.1** Siguruesi ka të drejtë të zgjidhë Policën e Sigurimit;
- 8.7.2** dëmshpërblimin e reduktuar në masën 50 për qind për humbjet dhe dëmtimet e vërtetuara përpara përfundimit të afatit të mbulimit në sigurim sipas kështit të parë të primit të sigurimit;
- 8.7.3** kthimin nga i Siguruari të dëmshpërblimeve të paguara në masën 50 për qind për çdo humbje e dëmtim të vërtetuar përpara përfundimit të afatit të mbulimit në sigurim sipas kështit të parë të primit të sigurimit.
- 8.8** Kushtet e përcaktuara në Policën e Sigurimit nuk mund të ndryshohen, përveçse me shtojcë që është pjesë e Policës nënshkruar nga punonjësi i Siguruesit.
- 8.9** Duke pranuar Policën e Sigurimit, i Siguruari pranon se Polica përfshin të gjitha marrëveshjet ekzistuese ndërmjet të Siguarit dhe Siguruesit ose Agjentëve të tij në lidhje me këtë mbulim në sigurim.

NENI 9
PERIUDHA E SIGURIMIT

9.1 Periudha e Sigurimit, si rregull, është 1 vit, përveç rasteve kur në Policën e Sigurimit përcaktohet ndryshe, por jo më pak se tre muaj.

9.2 Sigurimi fillon nga ora 24 e ditës së përcaktuar në Policën e Sigurimit, me kusht që të jetë paguar më parë primi i sigurimit ose kësti i tij i parë.

NENI 10
DETYRIME

10.1 I Siguruari detyrohet:

10.1.1 të zbatojë masat e rregullat e sigurimit të përcaktuara në mënyrë specifike në Policën e Sigurimit dhe të tregojë përkujdesjen e duhur për parandalimin e dëmit;

10.1.2 të regjistrojë pasurinë e siguruar sipas dispozitave ligjore në fuqi dhe në mënyrë të tillë që Siguruesi të mund të përcaktojë me saktësi shumën e siguruar dhe masën e humbjes.

NENI 11
NGJARJA E SIGURIMIT

11.1 Është kusht parësor për përgjegjësinë e Siguruesit që për çdo ngjarje që mund të jetë shkak për kërkesë dëmshpërblimi, i Siguruari menjëherë duhet:

11.2 të informojë menjëherë organet përkatëse të Rendit dhe t'u japë atyre të gjithë ndihmën e nevojshme për identifikimin dhe kapjen e personit(nave) përgjegjës dhe gjetjen e pasurisë së vjedhur;

11.1.2 të njoftojë me shkrim Siguruesin;

11.1.3 t'i japë Siguruesit të gjithë informacionin dhe ndihmën e kërkuar.

11.2 Në rast se i Siguruari deklaron kërkesë për dëmshpërblim duke e ditur se është e pavërtetë ose mashtruese, për sa i përket shumave ose çdo elementi tjetër, mbulimi në sigurim pushon së ekzistuari dhe të gjitha kërkesat për dëmshpërblim anulohen.

NENI 12
EKSPERTIMI

12.1 Siguruesi brenda 10 ditëve nga marrja e njoftimit nga i Siguruari duhet të fillojë ekspertimin e dëmit të ndodhur.

12.2 Në rastet kur i Siguruari nuk pranon pjesërisht apo plotësisht akt-ekspertimin e Siguruesit, e njofton atë me shkrim brenda 3 ditëve nga marrja e këtij akti. Lidhur me mosmarrëveshjen, të dyja palët caktojnë një ekspert tjetër ose një grup ekspertësh të përbërë nga përfaqësues të tyre ose të tretë. Eksperti ose grupi i ekspertëve të lartpërmendur nuk kanë të drejtë të riekspertojnë apo të vazhdojnë riekspertimin e filluar kur vërtetohen dëmtime të tjera të pasurisë së siguruar. Në këto kushte, procedura e ekspertimit do të rifillonte sipas nenit më sipër.

12.3 Ekspertet duhet:

12.3.1 të verifikojnë dhe sqarojnë rrethanat e ngjarjes;

12.3.2 të verifikojnë saktësinë e deklaratave apo përshkrimeve që rezultojnë nga aktet kontraktore dhe të përcaktojnë në se në momentin e dëmtimit ekzistonin rrethanat që kishin ndryshuar rrezikun dhe nuk ishin komunikuar;

12.3.3 të verifikojnë në se i Siguruari ka plotësuar detyrimet e tij;

12.3.4 të kryejnë vlerësimin e dëmit, konform Kushteve të Sigurimit dhe Policës së Sigurimit.

NENI 13
KËRKESA PËR DËMSPËRBLIM

13.1 I Siguruari, për marrjen e dëmshpërblimit, i paraqet Siguruesit kërkesë me shkrim sipas formularit të furnizuar nga Siguruesi.

13.2 Siguruesi paguan dëmshpërblimin pasi ka marrë akt-ekspertimin përfundimtar dhe vetëm në qoftë se i paraqitet kërkesa me shkrim nga i Siguruari.

NENI 14 **DËMSHPËRBLIMI**

14.1 Siguruesi paguan ose refuzon pagimin e dëmshpërblimit brenda 30 ditëve nga ajo e marrjes së kërkesës për dëmshpërblim. Fillimi i afatit pezullohet për atë kohë sa dëmshpërblimi nuk mund të paguhet ose përcaktohet për shkak të të metave që ka i Siguruari.

14.2 Siguruesi mund të shtyjë pagesën e dëmshpërblimit:

14.2.1 për atë kohë sa ekzistojnë dyshimet mbi të drejtën e të Siguarit për të marrë pagesën;

14.2.2. në qoftë se është filluar çështja penale lidhur me ngjarjen e sigurimit ndaj të Siguarit ose njerit prej punonjësve të tij deri në përfundimin e një procedure të tillë.

14.2.3 Siguruesi përgjigjet për dëmet që vërtetohen gjatë periudhës së mbulimit në sigurim, por shuma e përgjithshme e dëmshpërblimeve nuk mund të jetë më e lartë se shuma e siguruar e treguar në Policën e Sigurimit.

14.2.4 Ky sigurim nuk do të dëmshpërblejë dëme për të cilat i Siguruari përfiton dëmshpërblim nën kontrata të tjera. Bën përjashtim pjesa e dëmit që tejkalon shumën që do të ishte mbuluar nën kontratat e tjera në rastin kur Polica e përcaktuar nga këto Kushte Sigurimi të mos ishte në fuqi.

14.2.5 Në rast pagese dëmi sipas kësaj Police, Siguruesi do të ketë të drejtë të përfitojë të drejtën e të Siguarit për të kërkuar kthimin e të drejtave pasurore ose çdo të drejtë tjetër legale ndaj çdo personi ose organizate dhe i Siguruari do të veprojë me të gjitha mënyrat e duhura për të siguruar këto të drejta. I Siguruari nuk do të bëjë asnjë veprim për të paragjykuar këto të drejta.

NENI 15 **SHKRIRJA OSE NDRYSHIMI I PRONËSISË OSE KONTROLLIT TË VEPRIMTARISË** **EKONOMIKE**

15.1 Polica e Sigurimit, lëshuar në bazë të ketyre Kushteve të Sigurimit, do të pushojë menjëherë çdo lloj mbulimi në sigurim në rast të likuidimit (vullnetar ose të detyrueshëm) të të Siguarit, ose futjes në marrëveshje të tilla.

15.2 I Siguruari do të lajmërojë menjëherë Siguruesin për:

15.2.1 çdo bashkim ose shkrirje me veprimtari të tjera ekonomike ose çdo blerje, dhënie, transferim, lënie peng apo shitje të pasurive apo aksioneve që shkaktojnë ndryshime në pronësinë ose kontrollin, financiar ose tjetër, të veprimtarisë ekonomike;

15.2.2 heqjen e kontrollit të të Siguarit mbi veprimtarinë ekonomike nga çdo Qeveri apo zyrtar i caktuar nga çdo Qeveri apo Autoritet Lokal.

15.3 Kusht për vazhdimin e mbulimit në sigurim është që i Siguruari t'i japë menjëherë Siguruesit informacionin që Siguruesi do të kërkojë dhe i Siguruari të paguajë primin shtesë siç mund të kërkojë Siguruesi si rrjedhojë e këtij ndryshimi.

NENI 16 **ZGJIDHJA E MOSMARRËVESHJEVE**

16.1 Për çdo mosmarrëveshje që nuk zgjidhet me mirëkuptim, palët do t'i drejtohen Gjykatës së vendit ku është lëshuar Polica e Sigurimit.

Klauzola e sanksioneve:

“(Ri)Siguruesi nuk do të ofrojë mbulim dhe nuk do të jetë i detyruar të paguajë ndonjë dëm apo të japë ndonjë përfitim të parashikuar në këtë kontratë, në atë masë që sigurimi i një mbulimi të tillë, pagesa e një dëmi të tillë ose sigurimi i një përfitimi të tillë do ta ekspozojnë (ri)Siguruesin ndaj ndonjë sanksioni, ndalimi ose kufizimi sipas rezolutave të Kombeve të Bashkuara apo sanksioneve tregtare ose ekonomike, legjislacionit të Bashkimit Evropian, Shqipërisë, Mbretërisë së Bashkuar ose Shteteve të Bashkuara të Amerikës (me kusht që kjo nuk bie në kundërshtim me ndonjë rregullore ose ligj lokal specifik të zbatueshëm për (ri)siguruesin).”